

օրէնութիւն գործել, զոր զրեւել կայ ի գրիս: Իսկ բարեգութ և մօրդա-
սէրն Աստուած վասն այսչափ նորա անօրէն չարագործութեանն համբերեաց,
և ոչ ի նոյն ժամու զնա պատուհասեաց. նայ և մեզ ետ համբերութիւն մինչեւ
իսպառ. յաւել իւր բարձր բազկաւ և հզօր ձեռամբ յարուցանել ի վերայ նո-
րին անօրէնութեան դէմ զայս ինչ:

Ոմն Տեսքով անուն դուքս յայտնեցաւ ի յաշխարհն Քրիստոնէից
կայսրն, որ կոչի Ֆերտնանտը. և եկաց առ նա ի մանկութենէ հասակէ մին-
չեւ ի չափ կատարեալ հասակի. ապա յետ այնորիկ եզիտ իւր արժան զոմն
մեծ իշխան՝ որ կոչի Վլադքիյ. և էր ի Լեհից աշխարհէն այդ Վլադքիյն, և
ընդ նմա միաբան և համախոհ եղեւ: Եւ էր այս Տեսքովն դուքսն կարի աղ-
քատ և անզօր. վասն զի անօրէն ազգն իսմայէլացիքն որք կոչին՝ զնորա
հայրենիք ափշտակել էին զամենայն ինչ. և ապա այս բարեպաշտ ոմն որ

Ի Սէչովա ջրեղերին
Զաթանէտուն 1 սահմանեցին,
Եւ ի վերայ շատ ծեղ լըցին,
Փոքրիկ դռնակ իրեն թողին:

Կրկին ասաց Հայոց ազգին,
Թէ ով չմտնէ հաւատ Հոռմին՝
Լքնում ըզձեզ յայս տան միջին
Ի ի հուրն այրեմ զամենեւին:

Քահանայք և աշխարհական
Կանայք աղկուհներն ամենեքեան՝
Բոլոր սրտիւ յօժարեցան,
Ի հուրն այրէին միաբան 2:

Այն անիծած ամբարտաւան
Օլախ ազգին չար վշովոտան,
Ետեւ Հայոց ազգին լրման՝
Որ այրմանէ ոչ վախեցան:

Զար հրաման եհան կրկին,
ԶՀայոց ազգին ժողովեցին,
Ըզզոյթ, պրկար, զերիցանին,
Զկանայք, աղկուհներն ի միասին:

Պեղծ անիծած չար Օլախին
Զնոքս ճորով մերկացուցին,
Հոռմի հաւատ դաւանցուցին,
Եւ ակամայ մղկըրտեցին:

Պարոնն ասաց. Ես իշխան եմ,
Եւ չարաչար ըզձեզ տանջեմ.
Ձեռուիդ կորեմ, զաչվիդ հանեմ,
Դարձեալ կրկին ըզձեզ կնքեմ:

Զոմանց մօրուքն ածիւցին,
Զոմանց մազերն կտրեցին.

Անտանելի չարչարեցին,
Յետոյ կրկին մղկըրտեցին,

Զաբեղաներն և զերիցին:

Զբլէշներն 3 ածիւցին,

Հոռմի հաւատ մղկըրտեցին,

Աշխարհակրի կերպ հազուցին.

Զկախկապոսն բռնեցին,

Մազն և մօրուքն ածիւցին,

Եւ հաւատոց զինքն հանին,

Եւ մեծ փողպատ վիզն ազուցին:

Զկանայք լալով տանէն հանին,

Եւ զաղջիկներն ի միասին.

Զամենեւեան մկրտեցին,

Հոռմի հաւատ դաւանցուցին.

Զգլխներն հազուստ առին

Եւ զանձներուն ըզչուպանին 4,

Ի Օլախի կերպ ազուցին

Ու ի գլխներն տողպանտ դրին:

Զտանն տապաւնքն 5 քակեցին,

Զհանգըստատեղն աւերեցին.

Օլախի պէս սահմանեցին

Զտուն և զհանգիստ Հայոց ազգին:

Օլախ իրիկներ չուրջ եկին

Եւ զՀայերուն տուն օրհնեցին,

Տանտանեղ 6 և զգաւաթներն

Օրհնած ջրով լուանալ տուին:

1. Փայտաշէն խրճիթ, հիւղ:

2. Միւս Օ. Թէ հուրն այրինք մենք միաբան:

3. Ըզկուլակ:

4. Այլ Օ. չապիկն հանին:

5. Մահճակալք, անկողինք:

6. Միւս Օ. Ըզամաններն: